



Broj/Број: 02/2-50-1-9-17-10/04
Sarajevo/Сарајево: 04. 05. 2004. godine

Z A P I S N I K

sa 17. sjednice Komisije za vanjsku i trgovinsku politiku Doma naroda Parlamentarne skupštine BiH održane 26. 04. 2004. godine

Sedamnaestu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaо je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Vinko Radovanović, Osman Brka i Velimir Jukić, kao i Nevenka Savić, sekretar Komisije. Nade Radović bio je opravdano odsutan.

Osim navedenih, sjednici je prisustvovao g. Nikola Šego iz Ministarstva komunikacija i prometa u svojstvu predstavnika predlagača.

Sjednicom je predsjedavaо predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio slijedeći:

DNEVNI RED

1. Usvajanje Zapisnika sa 16. sjednice Komisije;
2. Saglasnost za ratifikaciju Sporazuma između Vijeća ministara Bosne i Hercegovine i Evropske patentne organizacije o saradnji u oblasti patenata (Sporazum o saradnji i proširenju) – predlagač Predsjedništvo BiH;
3. Saglasnost za ratifikaciju Sporazuma o trgovini i ekonomskoj saradnji između Vijeća ministara Bosne i Hercegovine i Švicarskog Federalnog Vijeća - predlagač Predsjedništvo BiH;
4. Saglasnost za ratifikaciju Sporazuma između Vijeća ministara Bosne i Hercegovine i Vlade Kraljevine Danske o cestovnom prijevozu putnika i tereta - predlagač Predsjedništvo BiH;
5. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 16. sjednice Komisije

Zapisnik sa 16. sjednice Komisije je jednoglasno usvojen.

Ad. 2. Saglasnost za ratifikaciju Sporazuma između Vijeća ministara Bosne i Hercegovine i Evropske patentne organizacije o saradnji u oblasti patenata (Sporazum o saradnji i proširenju) – predlagač Predsjedništvo BiH

Predsjedavajući je konstatirao da nije prisutan predstavnik predlagača. G. Čengić ukratko je obrazložio ovaj Sporazum, njegov značaj i pitanja koja tretira. Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 3. Saglasnost za ratifikaciju Sporazuma o trgovini i ekonomskoj saradnji između Vijeća ministara Bosne i Hercegovine i Švicarskog Federalnog Vijeća - predlagač Predsjedništvo BiH

Predsjedavajući je konstatirao da nije prisutan predstavnik predlagača. U diskusiji povodom ove tačke Dnevnog reda, konstatirano je da u tekstu Sporazuma postoje greške, te da Sporazum vjerovatno nije lektoriran prije nego što je dostavljen u parlamentarnu proceduru. Komisija je, iz tih razloga, jednoglasno usvojila zaključak da predloži Kolegiju Doma naroda da zajedno sa Kolegijem Predstavničkog doma preduzme mjere da se tekstovi zakona, sporazuma i drugih materijala koji dolaze u parlamentarnu proceduru prethodno lektoriraju na sva tri službena jezika.

Na kraju diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 4. Saglasnost za ratifikaciju Sporazuma između Vijeća ministara Bosne i Hercegovine i Vlade Kraljevine Danske o cestovnom prijevozu putnika i tereta - predlagač Predsjedništvo BiH

Uvodne napomene o Sporazumu dao je predstavnik predlagača, g. Šego. U diskusiji povodom ove tačke govorili su svi članovi Komisije. Diskusije su bile u smislu pronalaženja rješenja za povoljniji status bh prevoznika u međunarodnom prijevozu putnika i tereta. G. Šego je iznio podatak da sporazum istog sadržaja, ali sa Republikom Italijom, čeka na ratifikaciju. Komisija je donijela zaključak da se uputi dopis – urgencija Ministarstvu vanjskih poslova BiH da se pomenuti Sporazum što prije uputi u proceduru ratificiranja, kao i da se utvrdi koji još sporazumi čekaju na ratificiranje.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma između Vijeća ministara BiH i Vlade Kraljevine Danske o cestovnom prijevozu putnika i tereta.

Ad. 5. Tekuća pitanja

Član Komisije, g. Brka, aktuelizirao je pitanje formiranja grupa za prijateljstvo sa drugim zemljama. U diskusiji su učestvovali Velimir Jukić, Vinko Radovanović i Hasan Čengić. Članovi Komisije jednoglasno su zaključili da upute dopis Kolegiju Doma naroda sa preporukom da se inicira održavanje zajedničkog Kolegija na kome bi se ovo pitanje riješilo. Ukoliko se na taj način ne bi postiglo rješenje, Komisija bi inicirala raspravu o ovoj temi na sjednici Doma naroda.

Predsjedavajući Komisije

Hasan Čengić